

## Adeiladu bocs compost

Bydd y cyfarwyddiadau hyn yn eich helpu i wneud bocs compost pren 75 × 75 × 75cm y gellwch ei symud o gwmpas. Mae'r bocs wedi'i wneud o nifer o rannau sy'n union yr un fath ac sy'n cyd-gloi i'w gilydd er mwyn i chi eu gosod ar ben ei gilydd. Mae'n bosibl newid y bocs yn ôl beth ydych chi ei angen a beth sydd gennych i'w adeiladu. Mae pren sydd wedi'i ddefnyddio o'r blaen, ar gyfer llawr neu baledau (*pallets*) er enghraifft, yn berffaith.



Wrth i'r compost bydru a mynd yn llai, gellwch dynnu rhannau uchaf y bocs a'u defnyddio i ddechrau bocs compost newydd.

Diagram 1

Cadwch y glaw allan drwy ddefnyddio caead pren neu ddarn sgwâr o hen garped neu bolythen.

### Defnyddiau ac Offer

I wneud **un** rhan o'r bocs, byddwch angen:

- 2 ddarn o bren 75cm, gyda lled o 7.5cm\* a thrwch o 1.5cm o leiaf.
- 2 ddarn o bren 72cm, gyda lled o 7.5cm\* a thrwch o 1.5cm o leiaf.




Diagram 2

- 4 bloc cornel pren, 5cm × 5cm × 5.5cm.
- 20 o sgriwiau 3.6cm, maint rhif 8.
- 1 sgriwdreifar, 1 dril ac 1 llif.

Cyfanswm y deunydd ar gyfer 10 rhan

- 30m o bren 7.5cm × 1.5cm.
- 2.2m o bren 5cm × 5cm.
- 220 o sgriwiau 3.6cm rhif 8.

\* Gellwch ddefnyddio darnau o bren sydd ychydig yn lletach neu'n gulach, cyn belled â'ch bod yn addasu maint y blociau cornel i ffitio. Does dim rhaid i chi gadw'r un lled i bob rhan os yw'r pren sydd ar gael yn amrywio. **Rhaid i'r hyd a'r trwch fod yn gywir â'i gilydd**

### Adeiladu'r bocs

1. O'r pren 7.5cm × 1.5cm, torrwrch 2 ddarn o bren, y ddau yn 75cm o hyd.
2. O'r pren 7.5cm × 1.5cm, torrwrch ddau ddarn arall, y tro hwn yn 72cm o hyd.
3. Torrwrch 4 darn 5.5cm yr un o'r pren 5cm × 5cm. Y rhain fydd yn gwneud y blociau cornel.
4. Gafaelwch yn un o'r ddau bren 72cm a'i osod yn ei le gyda bloc cornel ar bob pen. Dylai pen y pren fod yn cyfwynebu'r blociau (*flush*). Gosodwch y blociau fel eu bod yn estyn 2cm y tu hwnt i ochr y pren, fel y gwelwch yn niagram 3
5. Daliwch y pren yn ei le ar y blociau. Driliwch 3 thwll drwy'r pren ac i mewn i'r bloc oddi tano. Rhawch y 3 sgriw ynddynt i'w hoelio i'w lle.





Diagram 3

6. Gwnewch gamau 4 a 5 unwaith eto ar y pen arall.
7. Nawr gwnewch gamau 4-6 eto gyda'r ail ddarn byr o bren 72cm. Bydd gennych yn awr ddwy ochr i'r bocs bach gyda blociau cornel wedi'u hoelio wrthynt.



8. Rhawch y ddau ddarn pren byr yma i sefyll, gan adael tua 75cm rhyngddynt. Rhawch y rhannau o'r blociau cornel sy'n ymwthio allan yn bellach i ffwrdd *Diagram 4* oddi wrthoch. Gosodwch bren 75cm ar ben y blociau i lunio trydedd ochr. Gwnewch yn siwr fod bob pen i'r darn 75cm yn gyfwyneb ag ochrau allanol y darnau pren 72cm.

9. Driliwch a hoeliwch bob pen i'r pren 75cm yr un fath ag yng ngham 5. Defnyddiwch dim ond 2 sgriw y tro hwn.

10. Trowch y cwbl dro-sodd fel bo'r rhan sydd heb ei orffen yn wynebu ar i fyny. Gosodwch yr ail ddarn 75cm rhwng y prenau 72cm fel o'r blaen. Gosodwch hwn yn ei le yn sgwâr a driliwch y sgriwiau i mewn fel yng ngham 9.




Diagram 5

Rydych yn awr wedi gorffen rhan gyntaf y bocs compost. Daliwch ati i wneud rhagor o rannau nes eich bod wedi cwblhau faint sydd eu hangen.

## Beth allaf ei droi'n gompost?

### Ysgogwyr, pydru'n gyflym

Dail cwmffri  
Porfa wedi'i dorri  
Carthion ieir




### Pethau eraill y gellwch eu troi'n gompost

Lludw coed tân  
Cardbord  
Tyweli, bagiau a deunydd lapio papur, wedi'u crychu  
Tiwbiau cardbord a bocsys dal wyau



### Pethau sy'n pydru'n arafach

Tameidiau a gwastraff  
ffrwythau a llysiau  
Bagiau te a gwaddodion coffi  
Hen wellt a gwair  
Gweddillion planhigion llysiau  
Tail / dom o wellt  
Hen flodau a phlanhigion gwely  
blodau



Toriadau o shetin/gwrych ifanc  
Darnau a brigdoriadau meddal  
Chwyn parhaol  
(dim gwreiddiau)  
Deunydd gwely  
jerbil, bochdew  
ac anifeiliaid  
llysfwytaol eraill  
Papur newydd



### Pethau sy'n pydru'n araf iawn

Dail yr hydref  
Darnau gwydn wedi'u  
torri o'r shetin/  
gwrych  
Darnau a brigdoriadau llawn coed  
Llwch lli a siafins



### Gwell eu hosgoi

Cig a physgod  
Gwreiddiau chwyn  
parhaol (*perennial*)



### PEIDIWCH â'u rhoi yn y compost

Lludw glo a golosg  
Carthion cŵn a chathod  
Cewynnau/clytiau taflu i ffwrdd  
Cylchgronau  
sglein



# GWNEUD Compost



Canllaw i fyfyrwyr ar sut i wneud  
eich compost a'ch bocsys compost  
eich hun

**garden  
organic**

**Garden Organic  
for Schools**

[www.schoolsorganic.net](http://www.schoolsorganic.net)



cyfieithwyd gan Ganolfan Organig Cymru  
[www.organic.aber.ac.uk/cymraeg](http://www.organic.aber.ac.uk/cymraeg)